

Visoki predstavnik donio odluku o arbitrazi za Dobrinju I i IV

Visoki predstavnik, Wolfgang Petritsch, danas je donio odluku kojom obavezuje Republiku Srpsku (RS) i Federaciju BiH (FBiH) na arbitrazu o medjuentitetskoj liniji razgranicenja u sarajevskim predgradjima Dobrinja I i Dobrinja IV, ciji rezultat ce biti konacan i obavezujući. U svojoj odluci, visoki predstavnik kao arbitra imenuje sudiju Diarmuida Sheridana iz Irske.

Odluka visokog predstavnika nalaze provodjenje postupka iz Aneksa 5 Opsteg okvirnog sporazuma za mir, koji do sada nije proveden. Clan 5 ovog Aneksa entitetima pruza mogucnost da se dogovore o provodjenju pravicnog i nezavisnog sudjenja o pitanjima o kojima se ne slazu, te na taj nacin rijese spor. Medjutim, u slucaju Dobrinje premijeri entiteta nisu uspjeli da se dogovore o takvom nezavisnom postupku.

Odluka visokog predstavnika služi kao zamjena za dogovor entiteta o provodjenju pomenutog postupka. RS i FBiH, stanovnici Dobrinje I i IV i druga relevantna tijela imaju priliku da svoj slucaj predoce arbitru, koji od zainteresiranih strana može tražiti da pruže dokaze. Očekuje se da će arbitar donijeti odluku u toku aprila ove godine. Entiteti će biti dužni da implementiraju odluku arbitra, a sama priroda arbitraze podrazumijeva da neće biti moguće dalje debate ili žalbe. Prije implementacije arbitrazne odluke ostavice se vremenski rok u kome će lokalni organi vlasti i medjunarodne organizacije razmotriti eventualne posljedice ove odluke, ukoliko ih bude, na svakodnevni život stanovnika Dobrinje, te odluciti koji je najbolji način za implementaciju arbitrazne odluke.

Medjuentitetska linija razgranicenja u Dobrinji predstavlja sporno pitanje jos od potpisivanja Opsteg okvirnog sporazuma za mir. Komisije koje su uspostavljene da rijese takva pitanja nikada nisu dosle do konacnog zakljucka u vezi sa ovim podrucjem, u kome linija razgranicenja cak prolazi kroz stambene zgrade. Ni nedavno premijeri entiteta nisu ulozili trud kako bi rijesili ovo pitanje; umjesto toga, odabrali su da od Dobrinje naprave politicku utakmicu, uprkos ponovljenim zahtjevima visokog predstavnika da pronadju nacin da konstruktivno rijese ovaj spor.

Visoki predstavnik donio je ovu odluku u skladu sa svojim ovlastima iz Aneksa 10 Opsteg okvirnog sporazuma za mir, i clana 11 Zakljucaka donesenih na konferenciji Vijeca za implementaciju mira odrzanoj u Bonnu u decembru 1999., kojim se visoki predstavnik proglasava konacnim autoritetom za civilnu implementaciju mirovnog sporazuma. Buduci da se dogovori o promjenama lokacije medjuentitetske linije razgranicenja i potvrda takvih dogovora tretiraju u Aneksu 2 mirovnog sporazuma, odluku arbitra ce, prije no sto stupi na snagu, formalno potvrditi zapovjednik SFOR-a.